

ჟურნალის რედაქცია ღრმა მწუხარებას გამოთქვამს ჟურნალის რედაქციის წევრისა და ელექტრონული პრესის რედაქტორის, სწოგილი მეცნიერის ზურაბ ჩხაიძის გარდაცვალების გამო და თანაგრძნობას უსხამებს გარდაცვლილის ოჯახს

საქართველოს ტექნიკურმა უნივერსიტეტმა მძიმე დანაკლისი განიცადა. ნაადრევად დასრულდა ჭეშმარიტი ქართველი მამულიშვილის, ზურაბ ჩხაიძის სიცოცხლე. მისი ცხოვრებისეული გზა უღალატო, გულისხმიერი, პატიოტი, მიმტევებელი, ქვეყნისა და ხალხის საქმისათვის თავდადებული კაცის გზაა.

იგი დაიბადა 1953 წლის 13 იანვარს ქ. ლანჩხუთში, სადაც საშუალო სკოლის წარჩინებით დამთავრების შემდეგ 1969-74 წლებში სწავლობდა საქართველოს პოლიტექნიკურ ინსტიტუტში ავტომატიკისა და გამოთვლითი ტექნიკის ფაკულტეტზე. 1977-80 წლებში სწავლობდა ამავე ინსტიტუტის ასპირანტურაში, 1991 წელს წარმატებით დაიცვა საკანდიდატო დისერტაცია.

1984-95 წლებში ბატონი ზურაბი მუშაობდა საქართველოს განათლების სამინისტროს სამეცნიერო-საწვავლო-საწარმოო გაერთიანების – „ინფორმატიკის“ გენერალური დირექტორის პირველ მოადგილედ. პარალელურად 1988-93 წლებში საქართველოს პედაგოგთა კვალიფიკაციის ამაღლებისა და გადამზადების ცენტრალურ ინსტიტუტში საქმიანობდა. დიდია ბატონი ზურაბის წვლილი ქვეყნის საგანმანათლებლო დაწესებულებებში კომპიუტერული წიგნიერების დამკვიდრებისა და განვითარების საქმეში.

1995 წლიდან სიცოცხლის ბოლომდე „ვი-თი-ბი“ ბანკი ჯორჯიას ინფორმატიკის სამმართველოს უფროსის თანამდებობაზე მოღვაწეობდა, სადაც ზურაბ ჩხაიძემ დანერგა ორიგინალური საბანკო და საფინანსო ტექნოლოგიები, რამაც მას პროფესიონალთა საზოგადოებაში მაღალი ავტორიტეტი მოუპოვა.

1996 წლიდან სიცოცხლის ბოლო წუთებამდე მუშაობდა საქართველოს ტექნიკური უნივერსიტეტის ბიზნეს-ინჟინერინგის ფაკულტეტზე ეკონომიკისა და ბიზნესის მართვის დეპარტამენტში საფინანსო, საბანკო და სადაზღვევო საქმის მიმართულების სრულ პროფესორად.

1990 წელს მას მიენიჭა საქართველოს სახელმწიფო პრემია მეცნიერებისა და ტექნიკის დარგში. ეწეოდა აქტიურ საზოგადოებრივ მოღვაწეობას. არჩეული იყო ტექნიკური უნივერსიტეტის აკადემიური საბჭოს წევრად. ნაყოფიერად მოღვაწეობდა როგორც



ჟურნალ „სოციალური ეკონომიკის“ სარედაქციო კოლეგიაში, ხოლო მიმდინარე წლის მაისიდან სიცოცხლის ბოლომდე იყო ჟურნალის ელექტრონული ვერსიის რედაქტორი. აგრეთვე პარალელურ რეჟიმში მუშაობდა ასევე ჟურნალ „ბიზნეს-ინჟინერინგის“ და ჟურნალ „ეკონომიკის“ ელექტრონული ვერსიის მთავარ რედაქტორად.

ზურაბ ჩხაიძე იყო საქართველოს საინჟინრო აკადემიის ნამდვილი წევრი, განათლების მეცნიერებათა აკადემიის წევრი, რუსეთის საზღვარსმეტყველო მეცნიერებათა აკადემიის წევრ-კორესპონდენტი.

ბატონი ზურაბი მიეკუთვნება უმაღლესი განათლების იმ

გამორჩეულ პიროვნებათა რიცხვს, ვინც თავისი ცხოვრების ბოლო წლები მთლიანად მიუძღვნა საქართველოს ტექნიკური უნივერსიტეტის სტუდენტი-ახალგაზრდების ცოდნისა და კვალიფიკაციის ამაღლებას.

იგი მრავალი სამეცნიერო ნაშრომისა და სახელმძღვანელოს ავტორია. ბატონი ზურაბის ლექციები გამოირჩეოდა მაღალი პროფესიონალური სიღრმითა და კულტურით.

ბატონი ზურაბი გახლდათ ჩინებული მეუღლე, ორი ვაჟიშვილის მამა. მისი ცხოვრება და მოღვაწეობა შესანიშნავი მაგალითია იმისა, თუ როგორ უნდა განვითარდეს ცხოვრება ჭეშმარიტმა ერისკაცმა, აღიარებულმა მეცნიერმა, აღმზრდელმა და საზოგადო მოღვაწემ.

პროფესორი ზურაბ ჩხაიძე ღირსეულ ადგილს დაიმკვიდრებს ტექნიკური უნივერსიტეტის სახელოვან ისტორიაში.

ღმერთმა ნათელში ამყოფოს ბატონი ზურაბის სული, ვალდოსდილი მოშბლიური ქვეყნის, ერისა და საქართველოს ტექნიკური უნივერსიტეტის წინაშე.

**საქართველოს ტექნიკური უნივერსიტეტი
 და ჟურნალ „სოციალური ეკონომიკა“
 XXI საუკუნის აქტუალური
 პრობლემების“ სარედაქციო კოლეგია**